

DISSERTATIO MEDICA
INAUGURALIS,
DE
RACHITIDE.

QUAM,
ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

JOANNES WATSON-SPROULE,
HIBERNUS.

Soc. Chem. Edin.

Nec non,

American. Physic. Sodal. S.

Ad diem 25. Junii, hora locoque solitis.

EDINBURGI:

Apud BALFOUR et SMELLIE,
Academiae Typographos.

M,DCC,LXXXVII.

DISSEMINATION OF
THE
R. A. C. H. I. T. D. E.


ANNOUNCING
D. GUILLIAMI ROBERTSON, S.S.T.
ACADEMIC
PRO GRADU DOCTORIS

JOHN WATSON SPRUE

THE CHURCH
NATION
AMERICAN TYPE SETTING

EDINBURGH
BALFOUR & SMELLIE
Antiquarian Typographers

1881



Ornato admodum viro

GEORGIO NEWENHAM, Jun.

In agro Corcagiensi,

ARMIGERO,

Soc. Chem. Edin. Soc. Honorario;

Nec non,

Dilectissimo patri

GULIELMO SPROULE,

DE ATHLONE,

ARMIGERO;

S. P. D.

JOANNES WATSON-SPROULE.

Conficienti mihi hodie, vir ornatissime, studiorum medicorum curriculum, hoc imprimis feliciter contigit, ut quam almae hujusce Academiae leges occasionem porrigunt, eam lubenter arripiam amicos amicitiae tuae, debitosque haud ingrati animi sensus, palam profitendi. Neque me tibi hic amantissimum Patrem adungere pigeat; qui etenim paterna meusque benevolentia profecutus es, proximum quoque in pectore locum tuo quasi jure vindicas et obtinebis; quot autem quantaque vobis debeam, non ex naturae magis imperio, quam ex grata beneficiorum recordatione, nullum unquam vitae tempus ratiove redarguet immemorem.

V A L E T E.

Datum Edinburgi, die 8^{vo} }
ante Kal. Julii, A. D. 1787. }

Mr. Mannistree

with Compliments
from his humble Servant
J. W. Spruce

DISSERTATIO MEDICA

INAUGURALIS

DE

RACHITIDE.

ANNO 1650, Glissonius in lucem edidit dissertationem de Rachitide (Anglice *Rickets*) quod quidem nomen morbo tunc temporis per totam fere Britanniam vulgatissimo indidit. Ægris illo laborantibus sedulo assedit, plurimaque eorum qui fato occubuere corpora cultro anatomico rimatus est. Ex eorum quoque relatione qui secum hujusce morbi detegendae origini adlaboravere, colligere se posse credidit, illum esse novum prorsus et inauditum, atque inter alios qui nuper primo apparuerunt, luem nempe veneream, plicam Polonicam, A scorbutum,

scorbutum, &c. Rachitidem quoque recensendam voluit * ; hoc potissimum argumento fretus, malum scilicet hoc nunquam a veteribus accurate fuisse depictum. Hanc Glissonii sententiam quam plurimi temere amplexi sunt, quos propriis diffisos viribus in aliorum verba jurare non pudet. Oculatiores vero medici, inter quos Neapolitanus ille Verardi Zevianus eam prorsus repudiarunt ; neque quidquam ad rem facit Rachitidem ideo novorum numero morborum adscribi, quia a paucis retro saeculis nonnulli hujusce generis veteribus incogniti capita extulere, nec majorem habent vim quae Glisson aliunde accersit argumenta ; siquidem illa ipsa, quibus nituntur, testimonia sic habent : “ Nemo haecenus inveniri potuerit, “ qui sciret aut ostenderet, vel primum nominis “ auctorem, vel aegrotum cui primum nomen “ morbi accommodatum fuerit, vel locum pecu- “ liarem ubi id factum, vel modum etiam quo “ inde in vulgus dispersum fuit “ †. Unde patet ex eo solummodo hujusce morbi novitatem colligi, quod omnes omnino ante ipsum medici de eo filuissent.

Atque

* Quantum ex aliorum relatione, diligenti facto examini colligere potuimus. Glisson. de Rach. cap. 1. pag. 3.

† Glisson. de Rach. cap. pag. 4.

Atque hic obiter observandum, morbos quamplurimos tam varia symptomatum cohorte stipari, certo fere nunquam se ordine prodentium ut aegre admodum suos cuique adfectus referamus. Animadvertendum etiam, scriptores medicos in describendis infantium morbis mancos admodum et incuriosos extitisse, multaque nos hodie latere quae olim in hujusmodi morbis obtinuerint; quibus autem rite perspectis, nec tam frequenter occurreret, nec adeo in pejus rueret, hoc malum. Si igitur in veterum operibus praecipua Rachitidis lineamenta deprehendamus, Glissonio minime assentiendum censemus, qui eam novitate insignire enititur.

Hippocrates Galenusque infantilem aetatem tabi obnoxiam fuisse innuerunt, cujus ille duas discriminat species: unam, ubi ex debiti defectu alimenti marcescit corpus, alteram, qua laute nutrimenta assumuntur. Celsus, ubi de spinae inclinatione, eam quoque inter infantium morbos recensuit *.

* At ubi aetas paulum processit, glandulae, et vertebrarum, quae in spina sunt, aliqua inclinatione, strumae, &c. oriuntur; Celsus lib. 2. cap. 1. lin. 25. pag. 46.

cenfuit. Nec defunt alii plerique qui propria morbo, de quo agimus, figna haud obfcure adumbravere, quos inter Hieron. Mercuralis, Sennertus, Kuefnerus, &c. et imprimis Hieron. Reufnerus, auctore Zeviano *. Praeterea Boot † (ubi de affectibus omiffis) fe in Gallia hunc morbum detexiffe afferit priusquam Gliffonio apud Anglos occurriffet

Cel. Cull. hujufce morbi quam nitidiffimam accuratiffimamque definitionem tradidit, quam idcirco haud illibenter ufurpamus.

D E F I.

* il Reufnero, il quale viffe nel fecolo antecedente al Gliffonio. Parla egli in una fua differtazione di un male in que tempi molto familiare nell' Elvezia, e nell' Ollanda, il quale era proprio de' fantolini, e li faceva cadere in tanta magrezza, che perduta la carne, appena fi potevana fofnentare fulle offa, quantunque il loro appetito fi mantenneffe vigoroso: che oltre a quefto aveano oſtruzioni, il coſtato ſchiacciato, e le gambe curvate in dentro; Zeviani capo 2. pag. 21.

† Boot. de affectibus omiffis, cap. 12.

DEFINITIO.

Caput magnum, antcrius maxime tumens, genicula tumida, costae depressae; abdomen tumidum, caetera marcescentia *.

HISTORIA MORBI.

Atque hic in primis ill. scriptori jam citato plurima nos debere alacriter profiteamur; luculentam etenim numerisque omnibus absolutam hujusce morbi historiam exaravit, quae argutam in observando sedulitatem, in describendo accuratam elegantiam, arguit.

Paucissimi cum Glissonio sentiunt labem hanc infantibus congenitam observari; de hoc Cel. Cul. tacet, dum a Boerhaviot et Zeviano † prorsus

* Cullen. Synops. nos. meth.

† infantibus ille nunquam connatus; Aph. de cogn. et cur. morb.

‡ Non se veduto mai a nascere verum bambino con- questo male; Zeviani della Rach. pag. 1.

prorsus denegatur. Sextum inter nonumque a partu mensem, tenellas plerumque victimas adoritur, rariusque secundo defunctas anno adpetere videre est *. Primo ipsius insultu infans ex alacri amoenitate in morosam fatiscit ignaviam; roseus evolat genarum color; corpus paulatim macrescit; os frontis immaniter prominet; caput prae reliquo corpore excrescit, inque humerum reclinare observatur. Levissimi motus, exercitii levissimi impatientes inter deambulandum vacillant, humique procumbunt. Haud mediocrem ingerunt ciborum copiam, nedum deficiat appetitus aut languescat †. Alvus plerumque solvitur quod inter primaria symptomata, refragante Glissonio, ‡ cooptavit Zevianus §. Dein ossa mollescere, spinam tibiaeque incurvari, deprimi costas, ideoque thoracem in acumen protrudi. Abdomen praeter solitum tumet, et ad tactum tractanti durius resistit: nec raro
accedunt

* Cullen et Zeviani.

† Vide Cullen vol. 4. pag. 339. necnon Zevian pag. 2. L'appetito si mantien vigoroso, o cresce piu tosto oltre l'usato; quam quidem sententiam auctoritate illust. Daubent. Hist. Nat. fulcit.

‡ Alvi profluvia fortuita sunt symptomata, pag. 201.

§ Il loro ventre talvolta e stitico, spesso troppo scorrevole; Zev. pag. 3.

accedunt epiphyfium tumores, offium praefertim cylindricorum, unde offeam deficere materiam minime mirum. Dentes folito tardius prorumpunt, proruptae nigrefcunt, facile franguntur, brevique putres resolvuntur *. Aliud adefle adhuc a caeteris omiffum fymptoma affirmat Zevianus, violentam nempe ani contractionem vel corrugationem †; an autem praecox adolefcat ingenium, aut judicium inſolenter maturefcat, inter medicos ambigitur: haec ita fe habere Cel. Cullenus et Zevianus opinantur; negat autem Buchnerus; tuſſis nonnunquam ingruit, et operoſa expectoratio, comesque perſaepe adjungitur febris hecticae non abſimilis; pulſus autem celer et debilis: his crudeſcentibus mors accerſitur, quamvis rarius hunc morbum ſequatur. Reliqua quae haud pauca ab authoribus annotantur ſymptomata, utpote quae Rachitidem minime diſcriminent, recensere ſupervacaneum ducimus.

C A U S Æ

* Cullen, Zeviani, Rozen von Rozenſtein, diſeaſes of Children tranſlated by Sparman, pag. 269.

† Non debbo tralaſciar un altro ſegno molto propio della Rachitide da niuno degli ſcrittori oſſervato. Queſt' e una grandiffima contrazione e raggrinzamento dell' anno, per cui la pelle ſi fa oltre modo aderente alle vicine oſſa ſacre e coccigge; Zeviani pag. 5.

C A U S Æ R E M O T Æ.

Quamvis hic ingenti difficultatum mole obruamur, annuente tamen gravissimorum scriptorum auctoritate, noxas debilitantes huic plerumque morbo antecessisse non immerito pronuntiabimus.

Hae autem causae vel a parentibus nutricibusve proveniunt, vel ab iis denique causis quae ipsos proprius puerulos adficiunt. Et primo quidem a parentibus; tristem namque soboli haud raro tradunt Rachitidis haereditatem; infantulorum vero imprimis cunas infestat, quorum genitores aut ipsi hac tabe laboravere, aut chronicis aerumnis conflictabantur; atque ex sagaci illi Cull. experientia constat, labem hanc a matribus saepe saepius derivari; ab iis vero potissimum quae ad scrophulosum habitum procliviores censebantur. Secundo a nutricibus; hic nos ulterius progredi vetat imperfectior, earum quae lacti obtingunt, mutationum notitia; nec magis innotescit qua ratione infantilem habitum afficiant; neque iis inhaerendum quae Glissonius,

nus, Mayow, Floyerus, Zevianus, &c. retulerunt: Quaequidem somniasse potius, quam observasse, dixerim. 3tio, De iis, quae ad ipsos proprius infantes pertinent, noxis, non ita manca praesto est certitudo: Hae autem a minori vel majori caloris gradu, vel a potiori aut deteriori ciborum indole, scaturiunt; etiamsi huic morbo non parum favere videatur frigidior aëris temperies, attamen saevire visum est in regionibus nostra multo calidioribus, Gallia nempe, Italia, Hispania, nec non Australibus Americae plagis, ut apud Boot. Benev. Zevian. Zacut. &c. legere est. Huic etiam opportunitatem parit subitanea quaelibet temperiei mutatio, a calida praesertim in frigidam: Monendum item officere quoque adauctum calorem sive ex nimio sole, nimiove vestimentorum pondere infantium corpusculis circumjecto: Quod quidem haud temere animadvertere Siennenses Nosocomii St. Mariae medici*. Nec minus ab aëris salubritate, quam ab ejusdem temperie, pendet: Qui enim in aedibus angustioribus degunt, ubi immundis aër effluviis inquinatur, liberoque ipsius circuitu impedito, stagnando corrumpitur; hos prae caeteris feros

B

cius

* Vide Atti di Sienna, tom. 6. p. 299.

cius infestat. A cibo; ex dura ubi paupertate ciborum instat penuria, aut ipforum deteritur indoles, rachitis, aliaeque debilitatis noxae, faeva exercent imperia.

Ex lacte acescente corpori illato oriundum morbum quidam credidere; levem vero et male stabilitam opinionem argumentis Professor sagacissimus Cullen, institutis periculis Joannes Hunter, everterunt. Acida tenuia vir solertissimus in vasa sanguinea injecit, nec ullum inde malum est infecutum; non tamen inficias eamus, quin ex vitiato lacte materno morbus sit saepe oriturus. Plurimos videre est cibo ex cereali genere impune utentes. Qui alii corpus debilitant, hi morbi rachitidi ansam praebent; ab ea autumnalem intermittentem exceptam fuisse, auctor est Sydenhamus. Ex his omnibus fas est colligere, quaecunque corpus infirmant, ea omnia morbum inferre.

C A U S A P R O X I M A.

Qui rachitidis causam proximam quaerit, eum frustra tempus terere monet Boerhaavius; quid proprie,

proprie, ait scriptor inclytus, hoc fit quod in corpore facit rachitidem, nemo explicare potest. Perpenſis tamén tum ſymptomatis, tum cauſis remotis, medendique ratione, haud temere colligitur in cauſa proxima eſſe materiam nutricem denegatam; et eo credibilior res eſt, quod tali ſententiae ſcriptores eximii annuant. Fatendum tamen, nullam ex opinione iſta rationem reddi cur grandefcit caput, et glandulae meſentericae indureſcant. Quinetiam ſenſim tument hae partes; an aucta potius ſit abſorptio objurganda, multum ambigitur; his vero objiciendum, exſtare hiftorias mollitiei offium ab abſorptione aucta haud dubie ortae, et turbidam eſſe urinam, et materiem terrenam in cute cerni *. Monent quoque laborantes glandulae meſentericae et corporis totius macies, illatos per vaſa abſorbentia humores non augeri; in obſcuro res ardua verſatur, nec veri quidquid facile ſtatuas.

R A T I O

* Vide Phil. Tranſ. Vol. 52. Nec non Lond. Med. Comment.

R A T I O S Y M P T O M A T U M.

Signa generalia.—Languor, motus impatientia, pulsus debilis et frequens, ad debilitatem referendi sunt quae morbum plerumque antevenit et per totum decursum adest.

Ossium morbi.—Quod grandescat caput explicatu difficillimum. Erroris tamen eam quae apud plerosque obtinet sententiam arguerem. Collum caeterumque corpus marcescunt; hinc forsitan adaugeri caput creditur, et aucta in partibus aliis ossium mole, caput simili malo laboraturum conjicitur; tenui quoque solummodo cranium tegitur involucro, nec illius tegumenta ab universa macie deteruntur. Professori gravi et eximio Monro, solerti medico et in re anatomica pariter et physiologica praecellenti, solenne est ante auditores proferre infantuli caput a rachitide enecati, multa est ossibus sed aequabilis crassities; talem semper obvenire crassitiem non ab experientia propria asserere auderem; si vero species ista sit constans, res patet alioquin perobscura.

Ossium

Ossium morbi cylindricorum.—Glisson et hunc secutus Mayow fufe de hac re differuerunt ; non necesse videtur hic loci varias, in quas ossa incurvantur, formas recensere ; in quemlibet etenim sensum inclinabunt, prout flexiores ipsorum partes prementium muscutorum nisui facilius obtemperent. Hinc intelligitur cur femora, tibiaeque, quibus totum corporis pondus suffulcitur, imprimis incurventur, dum brachia, utpote libera, recta permaneant. Cur autem epiphyfes laxius connectantur, ex eo conjicimus, quod legitima ossium deficiat materies, et eorundem tumefacta extrema inflammentur.

Spina dorsi incurvata.—Quocunque caput inclinet infantulus et superius corpus incumbat, eo spina flectitur sive dextrorsum vel sinistrorsum, vel antrorsum, deorsum rarius ; ista praecipue forma locum obtinet in longe alia spinae laborantis specie cujus tradit historiam Pott ; in morbis vero Pottianis nulla adest communis mollities, ulceribus rodentur vertebrarum corpora, et quoniam eorum ope adhaerent vertebrae, incurvatur dorsum pari modo a recto naturae tramite alia deflectunt ossa, costae scilicet, sternum, et nonnunquam in saeviori morbo ossa pelvis.

Tumidum abdomen.—Zeviani de tumente abdomine differentis non omnino mihi arridet sententia; ‘Durando pero piu a lungo questa morbo-
 ‘fa cagione, il chilo, che per la insolita agrezza
 ‘si viene a lavorare di una ineguale fluidita, nel
 ‘passare nei vasi lattei lascia indietro i piccoli
 ‘grumi, i quali inzeppandosi nelle glandole del
 ‘mesenterio danno origine alle ostruzioni, e nu-
 ‘ova miniera si fanno di agrezza al nuovo chi-
 ‘lo, che soppravviene.’ Hoc vero minime constat; quis unquam chylum solito crassiores in hoc morbo detexit? Et quamvis etiam detexerit, ante occupandas glandulas vasa lymphatica obstrui necesse est. Quin si a densiori chylo talis accideret obstructio, eo brevi magnitudinis est eventura, ut ne minima quidem humoris guttula transfiret; indurata et obstructa vasa dissecant sese offerunt ad indurationis rationem reddendam inflammationem, quantumvis lentam, praecessisse necesse est. Haud facile causas praedisponentes statuerem probabile, tamen videtur glandulis mesentericis impeditis imperfecte chylum elaborari; hinc scilicet inflammatis mesentericis glandulis tumet venter.

Intestinorum debilitas alvum solutam explicat; solvitur praeterea alvus vel ex materie, in intestinis acri, in ventriculo acida, praesente.

Indoles

Indoles maturior non, sicut existimo, pro morbo habenda, nec, etiam si morbus sit, veri quidquid de re ignota statuendum; nulla igitur de ea verba facio.

P R O G N O S I S.

Cum morbum, de quo agimus, raro admodum mors consequatur, ad eos tantum morbos pertinet prognosis quos ipsa secum trahit rachitis.

Plerumque igitur observandum, eo gravius hoc urgere malum, quo ab ortu citius infantilem victimam invaserit, aut imbecillioribus eadem staminibus constiterit; nec magis sperandum, cum plurima simul hujusce morbi symptomata in infantuli perniciem conspiraverint: Si etenim hoc malum diu ineluctabile perduret, et spinæ abnormis obtineat inclinatio, ad feram usque senectutem labes plerumque pertingit. Quando præter solitum grandescit caput, non immerito pertimescendum, ne glomeratae aquae vis in ipsius ventriculis aut membranas inter confluat; si immaniter tumeat abdomen, ob suppurationem,

nem, vel glandularum mesentericarum schirrositatem, de aegro actum erit et penitus conclamatum. Si autem pectus nimium acuminetur, adeo affici possunt pulmones, ut serius ocyus factum accerfiatur.

METHODUS MEDENDI.

Varia quae varii scriptores sanando huic morbo remedia periclitati sunt, figillatim hic recensere, operae haudquaquam pretium ducimus; ad rem magis facturi, si medicorum, qui de rachitide differuere, auctoritates pensitemus, atque ea potissimum feligamus remedia, quae ipsorum vota saepissime secundarunt. In quibusdam enimvero hujusce morbi stadiis, praesertim proVectioribus, quam plurima exsurgunt symptomata, quae, tametsi a morbo prorsus aliena, ut phthisis pulmonalis, hydrocephalus, hydrops. &c. summam exigunt sedulitatem, promptissimaque auxilia. Sed nobis praecipua mens est ea solummodo segregare quae oculatae experientiae diuturnitas comprobavit.

Cum

Cum remotae hujusce morbi causae a noxis debilitantibus repetendae sint, (de proxima autem ferme caligamus) eo potissimum cardine versabitur curatio, ut easdem, qua fas est, eliminemus: Quod quidem non aliter praesentius efficiemus, quam

1mo, Universae corporis debilitati obluendo:

2do, Locales sufflaminando adfectus:

3tio, Ossium praecavendo deformitatem.

Ut igitur praecipuo curationis consilio pro virili satisfaciamus, ad tonica, quibus non ulla efficaciora, hoc in primis morbo, remedia confugiendum censemus.

Primas igitur obtinebit ens veneris a Boylaeo nostro tanquam specificum decantatum: Boylaeum hoc remedium ex ferro praeparari censent ill. Cullen * aliique chemistae celeberrimi; non ita autem Benevol. Boerhaav. &c. dum a Zevian. et Mayow summis effertur laudibus, alii aliter de ipsius operandi modo censuere; cum celeberrimo autem Cullen †, inter tonica collocaverim. Neque hic auscultandus Zevian. cujus hac de re sententia humorum nimis patholo-

C

giam

* Vide Cullen, Vol. IV.

† Vide Cullen, Vol. IV.

giam redolet : Illud quippe alcalina quadam proprietate pollere somniavit, qua coagulatae lactis molecule extenuantur et dissolvuntur, venas arteriasque permeando, stimulo quodam de corpore eliminantur. Illud etiam cum rhabarbaro confociatum quam felicissimos praestitisse effectus, ejusdem Zevian. testatur experientia. Quam plurima adhuc tonica praedicantur, praecipue autem cortex ille Peruvianus : Hunc impense suadet De Haën, quamvis Cullen nostro rarius feliciter cesserit.

Frigida lavatio.—Nihil hoc remedio praestantius exercitatissimo Cullen innotuit ; nec tantum balneo frigido jam constitutum morbum levare, verum etiam instantem arceri innuit, tonica siquidem virtute languidam fatiscentemque corporis compagem solito robore redintegrat. Frigidam quoque lavationem plurimum collaudat * J. Floyer, animadvertitque rachitidem anno potissimum 1603 latius saeviisse, cum tunc temporis apud Anglos in defuetudinem abiisset. Eandem ceu specificam, † D. Edward Baynard, tanquam medelam certissimam concelebat Mayow

* Floyer, p. 77.

† Baynard apud Floyer, 335.

yow*. ‘Et quidem (inquit) observatione frequen-
 ‘ ti expertus sum, quod ad abdominis intumes-
 ‘ centiam, quæ in morbo hoc valde insignis esse
 ‘ solet, tollendam thermarum prædictarum usus
 ‘ maxime conducât.’ His vero laudibus mini-
 me accipit Zevian. sed ex ratiocinandi prurigne *concinat*
 potius quam experientiae testimonio oblatrat.

Exercitatio et aër.—Ea est ossium infantilium
 tenera fragilisque compages, ut levissimam exer-
 citationem aegre patiantur. Non mediocri au-
 tem huic morbo levamen afferetur, si nutricium
 quandoque ulnis asportentur, vel rheda vecten-
 tur nonnunquam; leni sic etenim motu, ipsis
 interim quiescentibus, pueruli jactitantur, nec ip-
 sis minus profuerit salubriori semper aura refo-
 cillari: Hinc intelligimus cur, in febre hæctica,
 tam salutares ediderit effectus aegrotos funiculis
 appensos alterno librari motu, neque eos cum
 D. Carmich. Smith† sedanti motus potentiae
 debitos referemus, quin maiore pulmonibus sa-
 lutiferi aëris influxui potius tribuendi sunt.

Fric-

* Mayow, 116.

† Vide D. C. Smith's pamphlet on the Effects of
 Swinging.

Friciones a plerisque etiam scriptoribus praecipiuntur, nec immerito: Moderato caloris gradu infans foveatur, neque justo nimium, minusve vestiatur.

Auctoribus Glisson * et Mayow †, emetica nonnunquam propinanda; haec autem incusat Zevian. ‡ quippe quorum acrior vis est quam quae sensibili infantulorum ventriculo conveniat: Hic tamen ill. Cullen prorsus assentimus, qui emetica ea mente exhibet ut canalem alimentarium succutiendo obstructa abdominis viscera expediat ||. Eodem ferme consilio mitia putat adhibenda cathartica, quibus leniter intestina stimulentur, novisque corroborentur viribus: Ab iis vero abstinendum, si forte morbo (cui non admodum insolenter) alvi profluvies accesserit comes. Cum emetica omittantur, lenis instituat purgatio, et per intervalla iteretur, monet Mayow; immensam dein medicamentorum explicat faraginem, quae inter eminent Rhabarbarum tartarique cremor; calomel. nonnunquam usus est.

Ab

* Glisson, p. 344.

† Mayow, p. 131.

‡ Zeviani della Rach. p. 98.

|| Cullen, Vol. IV.

Ab his raro admodum Zevian. * abhorret. Inter reliqua, quae adhibentur auxilia a De Haën, *testacea* non omittuntur; nec defuere qui sanguinis detractionem suaferint; haec autem, ut speramus, curatio jamjudum obsolevit.

Id genus alimentorum caeteris anteponendum censemus, quod facili digestionem subigitur; neque lac curationi officere observavit Cullen; nec est, cur tantopere farinacea criminemur, si modo ita propinentur, ut fastidioso infantium gustui minus fordescant: An autem istiusmodi indolis cibi reperiendi sint, qui ossæae materiei fecernendae prae caeteris inserviat, adhuc videtur in obscuro delitescere.

Applicationes locales.—Varii varias excogitarunt medici machinas, quibus incurvandis ossibus praecaveretur, aut jam incurvata restituerentur: A cel. Monro nonnullae praedicantur, quae medicantium vota imprimis obsecundant. In Act. Acad. Chir. Paris. a doc. Vascher machina quaedam adumbratur, et nobis aptissima videtur quae spinæ inclinationi apprime obstet, nec iniquo interim pondere infantulum obruat.

* Zeviani, p. 100.

